

MAKUC GAE

Papia irec magnaio makuc gae 5 fokac. Gae wiac i mo giczi hefuawec i mi mana sanankehuc ziguc sawa manangopenen: Porofete Jeremiazi Babilonia gic jaje rasi fisira Judagic jopahuc Jerusalem hae hetatiera gic gokac zikare nafocne bacjopa rapie hae sesucko mu mamakuc ehuc juwec. A papia magnaio Jerusalem hae heroc qaroplekicne irec busaqoc dan bocjaha fokacte a dan izi Jeremiare dan hawari jaha ekacte ziguc muengopenen: Jeremia eki hancne he qaren ewec. Zane-ticne ine jambomac papia magnaio basangopenen. Gae wiac i Judagic zane juwefumbig jaje Jerusalem hae tatiewec irec manasuhuc sowa juu homban-jengicko hejumbien a wose jumbien.

Papia magnaio makuc gae 5 fokac ine kecziguc:

Gae 1. Jeruslaem hae e hozec igucne era ki busaqoc faio juhuc makuc bawec. E sesuctac fuara foha moczi moc irec busaqoc mi manacnewecte babamirigte boc ecneha Anutu wira wawasic ecnewec.

Gae 2. Anutu e tiri kimbeg-ticne Judagic a Jerusalem hae jajere faio hongkehuc okacne jareme juu-jengic omaeme rasi jaje mu ake sisic ejarepie Wofug mu wawasic ecnenigte irec dan fokac.

Gae 3. Anuture gicguru jagerao zanc busaqoc a aki anonoc mamac fuekak irec dan. Era mag babarisie a Wofug mumutengke irec dan i fokac wac.

Gae 4. Judagic jagerao wiac buqaganducnehec fuawec, a Jerusalem omatac fuawec irec makuc gae hasine.

Gae 5. Kikefun e Wofugzi buuruc-ticnere era bafickeme Jerusalem hae mocwac fuaocte Wofug wira wawasic ecnekac.

Jerusalem hae sesuctacko makuc bakac

- 1 Jei, hae keci gic gokac jaje fusucmar a gembig i weniguc era ninig siarereng fuawec fokac?
E marac jaha gicne gicne jajere gondenko kacqene neweczi hozec igucne ewec,
a haene haene irec fekickne neweczi kinan qaqa ewec il
- ² E gafeo maretec kiohuc juha
zaneuc-ticne sake qicmugnaio wahahuc domakac.
Jorocfac-ticne sasawa jageraonec moczi
mu bamirig moc mi ecneekac.
Agofac-ticne jaje e furu jaha behera
rasifac-ticne embig jungopien.
- ³ Juda mareng rune jaje zara zap a faio fehuc
kinan qaqa era kapacwaruo rambig;
era gicne gicne jajere gondenko hahangehuc juengopien,
eme fific gugurig faio juhapie fisi-jarehuc japac-jopaengopien.

- ⁴ Zionte hata i qoroc hewec fokac
i ñic moczi moc hombaŋte erâ ira rac warec
mocwâc mi eengopien irec.
Hae sâkore motâc mimiŋ sasawa i ima bakicne mâc fokac;
ehame taha bapafâc-ticne kio owa engopien
â naru zeŋoŋfâc-ticne jaŋe busâqoc hawari domangopien;
hae e makuc bakac hâcne.
- ⁵ Kisâfâc-ticne jaŋe pepec penaron ehuc jungopien,
râsifâc-ticne jaŋe bubian manangopien,
i Wofunzi sâqocne-ticne bocjahare erâ zârâ hâriŋ bâfuacnewecte;
naru motecfâc-ticne jaŋe fific guguriŋfâc-jeŋic
jaŋere maio kâpâcwârue bacjopa rakicne.
- ⁶ Zion otâ-ticnere zâŋe rara bian i omae-fârewec.
Fekicnefâc-ticne jaŋe kâte bulimakaozi
kecqan basaengopien irec sâc;
erâ jâpec-jopaengopien jaŋere maio
docke betan ehuc wiseengopien.
- ⁷ Jerusalem e juwicnaonectean wiac bianne focne warehuc juwec
irec fific guguriŋ â zârâ hâriŋ dameŋ-ticnao manasuekac.
Ñic ñokacfâcne jaŋe kisâfâc-ticne jaŋere meo ferâ
bafic basapie râsi jaŋe hone sunŋiŋ ecnehuc
sisipiric-ticnere mu ruruc ecnembiŋ.
- ⁸ Jerusalem hae e sâqocne boc bawecte mamakâcne ewec;
eme mârâc jaha muac baafec ecnembiŋzi
migeŋgac qaisockengopien,
i biuctac-ticne honembiŋte.
E jahacne ine kio uu ehuc zâŋe mai-ticne bâsoŋkekac.
- ⁹ Ñaqi-ticne i wânâŋhec,
e zâhec wiac fuacneocmu irec mi manasuwec;
irec waha qawec i hâhâwicne jâmbân,
ehame moczi moc mi bâmiriŋkeha ziŋuc mukac:
“O Wofun, râsizi sananŋerâ zeri ekacte zârâ hâriŋ-nane
honec me!”
- ¹⁰ Râsizi boreŋ zeŋan-ticne rofâreocete mene sicnewec;
jâmbomac, ñicne ñicne jaŋe tiri ufun-ticnao
raziŋie honec-jopawec,
i gore kikefunŋko mi zuhuckeniŋte
aka hejaremeŋ jaŋe hâcne.
- ¹¹ Ñecjucfâc-ticne sasawa jaŋe kio huse ehuc nânâ basangopien;
ehuc hâmo sipiric enziŋiŋte boreŋ wiac furi sâko-jeŋic
nânâre râehuc ziŋuc muengopien:
“O Wofun, go zâŋe fitec wahame honecnuzemec,
no qaisocnukicne hâcne!”

- ¹² "Nowarungopien sasawa ñe wemocte busâqoc moc mi
mana-narengopien?
Ñe zâñe fipie wareme honecnunig!
Wofunzi kimben sâko-ticnere damenjo bâtinume zâic
fua-nareme manakopac,
zâic igucne ñe moc manambig me?
- ¹³ "E faickonec zocbârung tunkeme waharâ siec-naneo raziwec.
E kike-nanere bitig râewec,
eme izi kicnume rârape rândinjerâ waha qapo;
e ima bacnume damen sâc huc zâicko fohuc juekopac hâcne.
- ¹⁴ "Qaqatara-nane qâtureme tagi-nane ewec;
e jahacne mezi basanâkwec;
erâ fai-naneo râeme fokac.
Eki bâdocnume tâpîri-nane weanâkwec;
Wofun e ñic bâpiec-jopaekopac janere meo râecnuwec hâcne.
- ¹⁵ "Wofun e qac momorifâc-nane jumbig
janê qaisoc-jopa-fârewec;
eki hâcne ñicmotecfâc-nane sipiric-jopaocte
râsi hetuman-jopame fisimbîg.
Wofun e waig hândânge âte pisickeengopien
irec sâc Judare otâ zengon âte pisickewec.
- ¹⁶ "No irec hâcne kiohuc jukopac,
â zângeuc-nane bocjaha wahahuc domakac.
Bâbâmirig-nane e manane basanâkeocte
tâpîri focnekaczi taicko jukac;
naru motecfâc-nane sipiric-jopakicne,
râsizi sanâkwec hâcne."
- ¹⁷ Zion e meticne sicnekac,
mâc bâbâmirig-ticne ine moc mi jukac;
Wofun e ñic rârec rârec janê Jakobo
râsi ecnenigte mujarewec;
ehame Jerusalem e janere gondenjo wiac mamakâcne ewec.
- ¹⁸ "Wofun e wiac enareme sâckewec,
no mîcdân-ticne qatarahuc jupo irec.
Ñic gurune gurune ñe mananig,
ehuc zâic manakopac i honenig!
Ñic ñokac socqârîfâc-nane janê kâpâcwâruo bacjopa rakicne.
- ¹⁹ "No jorocfâc-nane wira-jarepo, janê ine eatucnumbîg.
Taha bapafâc-nane â sonâfâc-nane janê juju-jenig fuaocte
nânâ opâre babasa gie baku
mi haeo hâmo sipiric enzepien i!
- ²⁰ "O Wofun, go honecnuc,
no hâhâwic bakopac â bunane herickeekac.

No manrângenheç jupo,
irec magnaneo zâic sererej fuawec fokac.
Hae 3onjao zika, â ficmaņko ine huc hâmoc,
wiac izi naru motecfâc-nane rocjopakac.

²¹ "No 3iguc kio huse epe manambij: 'No bâbâmirij-nane arictac!'
Kisâfâc-nane jaņe zârâ zâpâ-nanere biņe mana-fârembij,
erâ go gahac mutec fua-narewec
irec bubian manambij wâc.
Irec dameņ moc bameņ i gokizia mutec fuame
jaņe nore sâc jaha enzepieņ.

²² "Eebapa-jenij hehesicne sasawa i gore maio taniņkezejeç.
Eme qaqatara-nane sasawa irec okacne bazu-naremeņ
iguc jaha jaņe bazu-jarezemec.
Huhuse-nane i hâhâwicne eha bu heheric enarekac."

Zion zârâ hârîj-ticne i Wofunzi mume fuacnewec

2 Jei, Wofun e aaric manahuc Zionte otâ dapâc maņnao râewec i!
E Israe 3ai 3on3on-ticne boc ferâ fowec i game wahawec,
e aaric dameņ-ticnao âatesij-ticnere mîc mi manasuwec.

² Wofun e Jakobore neņe hae irec busâqoc moc mi manahuc furu
jaha ima bawec.
E aaric manahuc Juda otâ-ticnere ficsanaņ
heroc qâropiewec;
e uumaņ-jenij ima bahuc
guriņ bapafâcne hetapaic-jopame
rufeo waha qapie 3aņe biņe-jenij omaewec.

³ E aaric sâko manahuc Israe tâpîri-ticne bawahawec,
ehuc râsi fisipie ģicfâcne mi bafic-jopaocte
mefâre-ticne sakarewec;
3oc ruqepene 3ahuc ģeratierâ
wiac rârec rârec 3âseņke-fâreekac,
3oc igucne Jakobore kikefunģo râeme 3awec.

⁴ E râsi igucne tepe-ticne âpârehuc
mefâre-ticnezi sisipiric ģie baocte domawec;
e Zionte otâ ere qoruc bozeo wiac hawari biaņ fowec i
imacke-fârewec,
ehuc aaric-ticne 3ocbâruiņ igucne hoņkecnewec.

⁵ Wofun e râsi igucne erâ Israe bâsirowewec;
e erific-ticne ima bafârewec
â ficsanaņ-ticne heroc qâropie-fârewec;
ehuc mume Juda otâ-ticnere faio
ki busâqoc â zârâ hârîj bocjaha fewec.

⁶ E boze-ticne i ģie igucne sipirickehuc

tutuman̄ hae-ticne imackewec;
 Wofun̄zi gie-ticne bahame
 Zion̄ko homban̄ â sabata irec ninikec fuawec,
 ehame kimben̄ aaricko ɲicwofun̄ â taha bapa beheç-jopawec.

⁷ Wofun̄ e alata-ticne qaisockehuc behewec
 â tirific-ticne hone sungiɲ ecnewec,
 ehuc Zion̄ erific-ticnere qânâsac i râsi jan̄ere meo râewec.
 Eme Israe jan̄e homban̄ko Wofun̄te tiri ufun̄ko fânân̄ke jumbien̄
 irec sâc râsi jan̄e ojowa sâko embiɲ.

⁸ Wofun̄ e Zion̄ otâ-ticnere qânâsac ima baoc̄te mupan̄kewec;
 e mucsâc fârehuc ma bawec,
 ehuc meticnezi sisipiric gie baoc̄te manacnewec,
 e 3ae â qânâsac jahe makuc banicte mujactewec;
 eme 3i busâqocnehec foekopirec.

⁹ Motâc sâko-ticnezi mâren̄man̄ko huwec,
 e aen̄ babasanan̄-ticne sipirickerâ qazuwec;
 ɲicwofun̄ â fekickefâc-ticne
 jan̄e ɲicne ɲicne jan̄ere ɲonden̄ko bâtâtiec-jopakicne;
 sâcmutâc dân̄te sâcko wiac ebac ee i omaewec,
 â porofetefâc-ticne jan̄e Wofun̄taonec dân̄ fuame
 hone manac ee i wâc arictac ewec.

¹⁰ Zion̄ otâ-ticnere kâcɣenefâc jan̄e mâc fâsâerâ mâren̄ko ɲeengopien̄;
 jan̄e 3afe ruahuc mater̄ qonan̄keengopien̄;
 Jerusalemte ɲokac 3en̄on̄ jan̄e qizec-ɲen̄ic
 mâren̄ko hetutuckerâ ɲeengopien̄.

¹¹ No kiohuc jukuhape 3ân̄e-nane 3âlc̄nukac
 â hobu-nane fâuckezo ekac.
 ɲicfâc-nane jan̄ere otâ ere 3ârâ hân̄ɲte erâ
 bu heheric enarekac,
 i qie â hata jujune jan̄e hae 3on̄ao hâmo betan̄ eengopien̄ irec.

¹² Jan̄e 3iɲuc muhuc nengocfâc-ɲen̄ic wâsic-jopaengopien̄:
 "Nânâ opâ weni?"
 Jan̄e iɲuc muhuc ɲic 3âpâ jopakicne
 irec sâc hae 3on̄ao betan̄keengopien̄,
 eme nengocfâc-ɲen̄ic jan̄e amec-jopa rahapie
 hâmoengopien̄ hâcne.

¹³ O Jerusalemte otâ, no wen̄iɲuc erâ dopecɣuhuc
 gore dân̄ mupemu me mohec sâc hecɣupemu?
 O ɲokac 3en̄on̄, Zion̄te otâ,
 go mohec sâc hecɣuhuc bâmiringupemu?
 Manakic, 3ârâ 3âpâge i hâwec sâko iɲucne,
 irec mo ɲiczi sâcne bâpianguocmu?

¹⁴ Porofetefâcge jan̄e findan̄dân̄ burecne

â racne hone manac erâ mufua-garembiŋ,
 ehuc kiŋtoŋfage heŋŋkehuc wiac hâhâwicne
 aka mi hecnembiŋ;
 aricne, jaŋe qaggecdâŋ burecne
 â eeatuc dâŋ hone manac erâ
 mufua-garembiŋ hâcne.

- ¹⁵ Hatao gowaruhuc honecguengopien sâc
 me pocpoc qagareengopien;
 jaŋe Jerusalem otâ-ticne go mu âke sisic egarehuc
 qizec fofotaric eengopien, ehuc muengopien,
 "Hae kereŋ biaŋ â mâreŋ sâko mâreŋ
 irec bubiaŋ bâbâfua mugareengopien,
 hae go hâcne me?"
- ¹⁶ Râsifâcge sasawa jaŋe mâretéc sopecguengopien,
 ehuc mu âke sisic erâ mic kiki aric kihuc
 ziŋuc muengopien: "Nâŋe e ima bambenŋ!
 la, nâŋe dameŋ i fuaocté enâre juŋec,
 eme zi maic-nâpome honengopenenŋ hâcne!"
- ¹⁷ Wofuŋ e maname fowec i hâcne fârine bâfuawec,
 e mârâc sasac jaha ŋŋsawaŋ dâŋ mufuawec i mume denŋkewec;
 ehame busâqoc moc mi manahuc ima gie bawec;
 e râsifâcge bafic-jopame gore bubiaŋ manambiŋ
 erâ kisâfâcge jaŋere tâpiri bafewec.
- ¹⁸ O Ziŋte otâ, go hahagne bahuc Wofuŋ wâsickec!
 Ehuc ŋafeo mecne zoaŋko mecne kiotečne
 zâŋeucge bocjaha wahahuc domazeŋec!
 Go kigie bakutec zâŋe hândâŋge bâruŋkezeŋec.
- ¹⁹ Go ŋafeo faharerâ ruc bapa dameŋ maickeocmu sâc
 wira wâwâsic ezemec,
 ehuc Wofuŋte maio mangere fuŋŋe opâ iŋucne hoŋkezemec.
 Naru motecfâcge hae zoŋa tuturuŋne tuturuŋne
 ira nânâre hâmo sipiric eengopien
 jaŋere erâ mege erao sicnezemec.
- ²⁰ O Wofuŋ, go zâŋe firâ honec!
 Go mo ŋic mo wiac iŋucne ecnemeŋ?
 Me ŋokac jaŋe qiefâc-ŋeŋic rocjoparâ
 hone maiŋ ejareengopien,
 jaŋe nâcjopaniŋte mukic me?
 Me taha bapa â porofete jaŋe Wofuŋte furuficko
 qâhâmoc-jopaniŋte mukic me?
- ²¹ Hae zoŋao ŋic socqâri â ŋicqizec jaŋe rufeo forangopien;
 naru zeŋoŋ â ŋicmotecfâc-nane jaŋe zikare nânâ embiŋ;
 go kimbenŋ damengao qâhâmoc-jopameŋ,
 busâqoc moc mi mana-jarehuc qa hefâuc ejaremeŋ hâcne.

- ²² Go rârec rârec răsîfâc-nane jaje hombarj mocte erâ
fîfisine tinac hefârec-jopamenj;
eme Wofuŋ gore kimbenj damenj ira moczi moc wiserâ mi juwec.
Me faio bacjopa jupo â hone maiŋ ejarehâpe sokambin
jaje hâcne răsizi qâmiziec-jopawec.

Zion e Wofuŋzi buuruc-ticnere erâ bafickeocte mamananac juwec

- 3** -Anutu e kimbenj-ticnere kâcbinzi zârâ zâpâ bâfuawec
i ŋic norao hâcne.
- ² E zoqac ehuc duŋdapâcko jowacnume raŋipo.
- ³ Jâmbomac, e zoaŋ zora harierâ meticne bafaharehuc nuekac.
- ⁴ E sahaç biuc-nane ecneme hâmo qaŋac ewec,
ehame siec-nane qazu-fârewec.
- ⁵ E mume wiac hâtâne â zârâ hârîŋzi somâcnurâ fowec.
- ⁶ E mârâc jaha hâmombin
jaje iŋucne dapâcko jupemurâ râecnuwec.
- ⁷ E orâŋnuhuc qânâsac bawecte wisezore eipieekopac;
e aej niggiŋ ŋemâcne qanareme huwec.
- ⁸ No wira wâwâsic ehape
e sifu nunumu-nane mana takireekac.
- ⁹ E qânâ sâkozi hata-nane hebâzickewec,
ehuc hatagâŋ-nane hezickeme sifuckewec.
- ¹⁰ E kâte qowi mimicnezi ruc baekac
â laionzi soŋsoŋko foekac irec sâc enareekac.
- ¹¹ E qac qâsoric epemurâ enarewec,
erâ kisuc qâsucnuhuc omaecnuwec.
- ¹² E tepe motec-ticne gurutucko herâ
âpârehuc ma bacnuwec.
- ¹³ E tepe motec-ticnezi buhândâŋ-naneo murucnuwec.
- ¹⁴ Eme ŋicne ŋicne jaje mana wahacnuhuc gâwie-nareengopienj,
ehuc zoaŋ sâc norao iticnehuc
mu qâqin gae heengopienj.
- ¹⁵ E wiac hâtânezi bâfusecnuwec,
ehuc opâ hâtâ qinqinje gumeccnuwec.
- ¹⁶ Eki enareme micsiec-nane qânâ hândâŋko kizu-fârepo,
ehuc menezî zafeo bânduŋnuwec.
- ¹⁷ E maŋ qâqâtâc-nanere wama nowac rowecte
juju bianj-nane omaewec.
- ¹⁸ Eme mupo, "Wofuŋtaonec tâpiri-nane i omaewec,
â erao roweckehuc juju-nane i arictac ewec."
- ¹⁹ No zârâ zâpâ faio qafec qawahac juekopac
go irec manasuzemec,
erâ wiac hâtâ qinqinje â opâ mimicne

gumecnumej irec māmâc.

²⁰ Maŋ qâqâtâc-nanezi damej sâc irec manasuekac,
ehuc dunduj dadape foekac.

²¹ No ine irec manatâc qâtâc ehuc worickeekopac.

²² Wofunŋe aki anonoc mi omaeekac,
â buuruc-ticne i tatara tâmiric.

²³ I hae fureocmu sâc qâricnezi qâricne fua raekac,
go erâ-eesanange fekiecne.

²⁴ Maŋnanezi mukac, "Wofuŋ e boreŋ-nane,
irec no ere mamanac jupemu."

²⁵ Wofunŋe woŋec juhuc maŋzi wira basac ecneenggopien
jaŋe bubian qajareekac.

²⁶ Nininŋerâ woŋec juju i wiac fâri bian,
Wofunŋe bâbâpian i hâcne woŋeckezo.

²⁷ Ŋic moc e motec-ticnao tagi deocmu,
izi wiac fâri bian jaha eocmu.

²⁸ Wofunŋi tagi qawenao râecneme kihâmoha
sifu niniŋkerâ bucmac-ticne ŋezejec.

²⁹ Wândocko maku erâ ŋezejec,
ehame bafic moc fuacneocmu mecne.

³⁰ Mauc-ticne zika qaqa sicnecezejec,
ehuc mimi fainao feme kinduj bânduj juzejec.

³¹ I ziŋucte ezejec: Bebehe sanaj i Wofunŋtao mi fokac.

³² Aki anonoc-ticne i guru fufusuc fokacte
ŋic moc bâzâickeku sifu harierâ jaunŋeocmu.

³³ E buafec jaha mâreŋŋic wiac buqâqânducne
â busâqocnehec mi bâfua-jareekac.

³⁴ Mâreŋ sâc kâpâcwâru ŋic kikezi âtec-jopa-fâreniŋmu,

³⁵ me Femicne ere maio ŋic mocte dâŋ musifuckeniŋmu,

³⁶ me dâŋgieo ŋic mocte dâŋ muhasickeniŋmu
i Wofunŋi moc mi honeocmu me?

³⁷ Mo ŋiczi Wofuŋ e mi mutâcneha
wiac moc fuaocte muocmu?

³⁸ Me wiac sâqocne â bianŋe
i Femicnezi mume mi fuaekac me?

³⁹ Ŋic e mâreŋko juhuc wemo wiacte mu kârŋ eekac?
E jahacne sâqocnere maname sâqoreoc me!

⁴⁰ Nâŋâc juju â eebapa-nâŋec ba esâic ecnehuc
fuŋne-nâŋec mana jaŋgeŋkerâ Wofunŋtao risienaj.

⁴¹ Wofuŋ sambânko jukac erao maŋnâŋec sâsehuc
menâŋec bâfeŋnenaj!

⁴² "Nâŋe behecgurâ qaqatara bâfuamben,
irec go kiŋnâŋec i mi bâtâmiremeŋ.

- 43 "Go kimbenzi zikage eme jâpec-nâpomenj,
ehuc busâqoc moc mi mana-nârehuc qâhâmoc-nâpomenj.
- 44 Go karorac magnaŋ songerâ juhâŋtecne
nunumu-nâŋeczi gorao sâcne moc mi hefâ fisiwec.
- 45 Goki enâretecne ŋic gurune gurune jaŋere ŋondenko
jawa rasa iŋucne erâ mamakâcne embenj.
- 46 "Râsifâc-nâŋec sasawa jaŋe musoriŋ-nâpohuc juengopienj.
- 47 Ima â sisipiric sâko izi nombân enâreha
bipic-nâŋec tarawec.
- 48 Ŋicfâc-nane jaŋe boc sipiric-jopakicnere
zâŋeuc-nane bocjaha wahahuc domakac.
- 49 "Zâŋeuc-nane i tatara tâmiric
zuŋuhuc jaha wahahuc domaocmu hâcne.
- 50 Ehame Wofuŋ e sambânkonec fime wahame honezejec.
- 51 Hae sâko-nanere otâfâc wiac fua-jare-fârewec
i honerâ zâŋe-nane zâicnukac.
- 52 "Maŋgânko râsi enarehuc jumbiŋzi
no wipe iŋucne nu jâpec enarembiŋ.
- 53 Jaŋe juju-nane sipirickeniŋte
nombânko behecnupie hupe qânâ wicke-narembiŋ.
- 54 Eme opâzi qâurucnume mupo:
'Jei, no omaezo ekopac.'
- 55 "O Wofuŋ, no nombân fâhâŋnao ŋehuc
zâŋege riwaseckepo.
- 56 No ziguŋ mupe marac fânân-nane manameŋ:
'Go baficnucmurâ wira wâwâsic-nanere hazec râezemec!'
- 57 No riwasecgupo zoaŋ ira maicnuhuc ziguŋ nazameŋ:
'Go mi hâwicguoc!'
- 58 "O Wofuŋ, goki dâŋnane dopeckehuc
juju-nane bâfiriemeŋ.
- 59 O Wofuŋ, ro waha âte enarekicne i go honemeŋ,
irec gokizia dâŋnane mutarac.
- 60 Râsi enarehuc dâŋ manasu biric embiŋ,
â okac babazu gie bambiŋ i go hone-fâremeŋ wâc.
- 61 "O Wofuŋ, râsi enarehuc dâŋ sasawa manasu biric erâ
musoriŋnumbiŋ i go manameŋ.
- 62 Erâ râsifâc-nane jaŋe zoaŋ zora micbipic-jeŋiczi
nore dâŋ muengopienj â wiac manasu biric eengopienj i mâmâc
manameŋ.
- 63 Go honec-jopac: Jaŋe waha ŋeengopienko
me fahare domaengopienko
ine zoaŋ gae henareengopienj.
- 64 "O Wofuŋ, mejeŋiczi wiac ebac embiŋ
irec sâcko okacne bâtikie-jarezemec.

- ⁶⁵ Goki manjenic mutuc batec
sâwecgezi fai-jenicko fezejec.
⁶⁶ O Wofun, go kimbenko qa jâpec ejareku
sambângere rurumanjo bâsirowec-jopazemec!"

Ziontao bâbâtin fua tarawec

- 4** Opon, golzi weniguc erâ jontawewec?
Gol qaqacone izi weniguc erâ hetikieme moc ewec?
Qânâ furi sâko i hata sosohoc sâc hesiepie nerakac!
- ² Zionte gokâfâc zâne bignehec,
golzi sawa furi babacjopane,
jei, janere manapie afezi kuži bakicne
â kuži bapa ere meqârenj irec sâc engopienj !
- ³ Kâte qâto jaje motecfâc-jenig mon gumec-jopaengopienj,
nigfâc-nane janere otâ eki ine kâteo
qera jauj tâmiric juekac e injucne.
- ⁴ Qie jaje opâre hâmpie
namen-jenigzi gâpi-jenicko bohotaekac,
â naru motec jaje nânâre mu huac buc epie
moczi moc jare gumec mi eekac.
- ⁵ Mârâc jaha nânâ wiac anacnehec nâjumbienzi
hae zongao juhuc hâmo sipiric eengopienj,
â qoruc furi sâko rumacke-jarekicne
jaje jawa faio foengopienj.
- ⁶ Nigfâc-nane janere otâ e kinticnezi
Sodom haere hehesic jâuruwec.
Hae i nigzi ima gie moc mi bahapie
ututunj bâsirowekicne.
- ⁷ Zion fekicnefâc-ticne jaje sinoure sâc jâuruhuc
qaqac taenre erâ susure sâc wâc sirickehuc
qaqacone jâmbânj embij;
sahac-jenig ine haronanj bâbâronj irec sâc jâuruhuc
bâbâronj jâmbânj ewec,
â sahac hawari-jenig ine qânâ kenkenne furi sâko injucne.
- ⁸ Zâne mai-jenig i mâsic hawari jâuruhuc
gâpâre-jâmbânjkewec
irec gâcnezi hae zongao mocwâc mi zânitac-jopambij;
sahac-jenigzi muzuckerâ siec-jenicko bohotauc
zoc injucne kerejkewec.
- ⁹ Žikare nânâ ehuc qennea hâmombij irec zâic i afecne,
â nânâre hâmohuc zâic manaku hâmo sipiric embij
izi ine wiac nemâcne jâmbânj.

- ¹⁰ Ȧicfâc-nane jaŋere sisipiric dameŋko ŋokac buuruchec
jaŋe naru motecfâc-jeŋic kuzio rikec-jopapie
nânâ-jeŋic embiŋ.
- ¹¹ Wofuŋ e aaricko gie sâko baocete manawec,
ehuc kimbeŋ-ticnere zocbârui hoŋkewec;
e Zioŋko zoc ruqeme zawec,
ehuc haere hobeteŋe zâseŋkewec.
- ¹² Râsi somâ bapa jaŋe Jerusalem hae irec motâc
fotâcnerâ raziniŋmu,
dâŋ i mâreŋte ŋicwofuŋ mecne
â mâreŋ sâko mâreŋ irec ŋecjucfâcne jaŋe mecne
mi mana zakiembui.
- ¹³ Wiac hâhâwicne fua-jarewec
i porofetefâc-jeŋic jaŋere sâqocnere erâ
â taha bapafâc-jeŋic jaŋere hehesicte erâ fuawec;
jaŋe hâcne hae irec maŋnao
ŋic tiŋne jaŋere soc hoŋkembui.
- ¹⁴ Jaŋe ŋic tiŋtuŋ iŋucne hae zongao
qac qâsorice ehuc jumbui,
ehame ŋaqi-jeŋicko soc bohotaewecte
ŋiczi ba bâuac sâcne mi embui.
- ¹⁵ Jaŋe honec-joparâ ziŋuc mumbui:
“Wiseniŋ, wâwânâŋheczi wareŋgopieŋ!
Wiseniŋ, wiseniŋ me! Ba bâuac moc mi ejareniŋ!”
Iŋuc ejarepie jaŋe ŋic wiwisene â hahata jujune embui,
ehame ŋicne ŋicne jaŋere ŋondenko dâŋ ziŋuc fuawec:
“Jaŋe nâŋâcnehec moc mi junzepieŋ.”
- ¹⁶ Wofuŋ e jahac bâtâtiec-jopawec,
erâ mocwâc honec-jopaocte mi ecnewec;
taha bapa jaŋe mi sâsec-jopakicne,
â ŋic kâcqene jaŋe uruc jauŋ mi ejarekicne.
- ¹⁷ Nâŋe babaficte maŋgâŋ zâŋe fihuc jaha juhapene
zâŋe-nâŋeczi betanŋkewec.
Nâŋe zâŋe fifi-nâŋecko domahuc
ŋicguru moc jaŋere zâŋe fimbeŋ,
jaŋe ine babafic-nâponere sâc mi embui.
- ¹⁸ Kikeo kikeo enârekicnere hae zonga-nâŋecko
wemocko sâcne rac warec enzapeŋ;
hâmoc dameŋ-nâŋec bembenŋkewec,
juju dameŋ-nâŋec qosackewec,
hâmoc dameŋ-nâŋec maickewec hâcne.

- ¹⁹ Jâpec-nâpombiŋ jaŋe tucwiŋe sambânŋ rurumagnao sâoekac
irec sâc jâurumbiŋ,
jaŋe tikio nâpo jâpec embiŋ
â mâreŋ sawao ruc banârembiŋ.
- ²⁰ Wofuŋzi wokemaŋ ruacnewec, juju-nâŋecte fosinŋ hâcne,
e nombânŋ-jeŋicko hume rombiŋ,
nâŋâc ine ere ziŋuc manambenŋ,
“Nâŋâc ere mumucko ŋicne ŋicne jaŋere ŋondenŋko junzepenenŋ.”
- ²¹ O Edomte otâ, go zeri ehuc bubianŋ manac,
Uzi mâreŋ irec rune go.
Gorao waiŋ râqâc fâ fisiocmu wâc,
eme i nâku maŋsifuc egareme ŋaqige hetararâ
biuctac jucmu.
- ²² O Zionte otâ, gore kiŋtofa i batarakicne,
Wofuŋzi mume kâpâcwâruo mocwâc mi bacgu raninŋmu.
Edomte otâ gore hehesicte okacne
ine bazu-gareocmu,
ehuc bahacge bataniŋkeocmu.

Wofuŋ e busâqoc mana-jareocte numucnembinŋ

5 O Wofuŋ, go fai-nâŋecko wiac fewec irec manasuc,
go zâŋe fitec wareme
mimi qaqâ enârekeicne i honec!

² Merâfâc-nâŋec i ŋic furune jaŋere meo râekicne
â fic hae-nâŋec i ŋic jabane jaŋe rauckembinŋ.

³ Nâŋe mamac tâmiric,
bekâ mâsiŋ embenŋ jungopenenŋ,
nengocfâc-nâŋec jaŋe hozec iŋucne.

⁴ Opâ nâengopenenŋ i monenŋzi furine baengopenenŋ
â zoc wiac-nâŋec i wâc furinehec.

⁵ Qawe-nâŋecko tagi foha nâpo jâpec eengopienŋ,
eme nâŋe docke betanŋ ehuc ŋemanazo mupene
mi mana-nâreengopienŋ.

⁶ Nâŋe nânâ bâfuananŋte Aigita â Asiria ŋic
dape-jarehuc me sicne-jarembenŋ.

⁷ Mamacfâc-nâŋec jaŋe sâqocne barâ omaembinŋ,
nâŋe ine kiŋtofa-jeŋic âsickehuc juengopenenŋ.

⁸ Kiŋanŋ qaqazi ŋicbombonŋ enâreengopienŋ
eha moczi moc jaŋere meonec bataraç-nâpoocmu i mi fokac.

- ⁹ Nâge tuhu mâreŋko zika fuarâ fokacte
juju-nâŋec qikiŋnezo ehuc
nânâ-nâŋec bâfuarâ roeŋgopeneŋ.
- ¹⁰ Eme nânâre hâmo sâqorehuc
sahac-nâŋeczi docke betan efâreekac.
- ¹¹ Râsi jaje Zionko ŋokac bâsâqorec-jopambin
erâ Juda hae ŋerakac irec naru zeŋon jaje wâc mâmâc.
- ¹² Fekicne jaje rocjopahuc bituac-jopambin
â kâcŋene jaje ro waha âte ejarembin.
- ¹³ Ŋicmotec jaje ejarepie
jacŋon babanŋan gie baengopien
â motec jaje ine zoc hâpohapie fâfâc-jopaekac.
- ¹⁴ Micne jaje hae zongao tumarnerâ
ŋeŋe i behembin
â ŋicmotec jaje wongân mocwâc mi qaengopien.
- ¹⁵ Maŋnâŋecte zeri bubian i omaewec
â gae wowo-nâŋeczi rirhame
ki mamakuczi fuawec.
- ¹⁶ Eridu i qizec-nâŋeckonec hockerâ wahawec;
jei, nâŋe sâqore-fâremben i!
- ¹⁷ Maŋhuc fua-nârewec â zâŋe-nâŋec hâpozo ewec
i wiac kecziŋucte:
- ¹⁸ Zion tikizi ninin siarereŋ fokac
â kâte qâto jaje ira sicne fotâc eengopien.
- ¹⁹ Wofuŋ, go ine gurin bapa gie bahuc jucmu sanan,
â eri ŋeŋeŋe i ŋic gaŋne gaŋne ŋesanarŋke-jareocmu.
- ²⁰ Ehame wemocte nâŋere nikecgu sananŋekac,
erâ wemocte damen zora beheç-nâpozo mukomeç?
- ²¹ O Wofuŋ, go gahacnao bârisieç-nâpoc me!
Eme risieçene juju damen-nâŋec mârâc fowec
i heqârè-nârec.
- ²² Me go jâmbomac beheç-nâpo sananŋkemeŋ?
Me kimbengezi fai-nâŋecko boc fofeocte mukic me?